



ESPAZO LIÑARES

Pazo de Liñares-Prado-Lalín

Concello de Lalín
Concellería de Turismo
www.lalin.gal

L K M N
Lalínkero

DEPUTACIÓN
PONTEVEDRA

Museo Galego da Marioneta

Santiago ←
AP-53
SILLEDA
N-523
Río Deza
Ponte Taboada
P.K. 298
Bendoiro
Políg. Ind. Lalín 2000
Enlace AP-53
Lalín Oeste
Ourense →
PAZO DE LIÑARES
EP-6004
Gresande-Vilatuxe
Santuario do Corpiño

Pazo de Liñares
Liñares, 6. Prado (Lalín)
Teléfono: 986 18 14 23
infoturismo@lalin.gal
42°40'48.10"N
8°11'29.76"W

Diseño: Imprenta Marcaxe



ESPAZO LIÑARES



ESPAZO LIÑARES

En Lalín, terra de castros e pazos, atópase o Pazo de Liñares un dos de maior maxestuosidade da Comarca de Deza. Situado na parroquia de San Martiño de Prado é testemuña indeleble da fidalguía dezá e un dos mellores expoñentes da construcción pacega desta terra. De estilo barroco galego, construído a finais do s.XVII e principios do s.XVIII, foi casa dos Taboada -unha das línaxes más importantes de Galiza- até 1920 e nela naceu o aviador Joaquín Loriga Taboada, fillo ilustre destas terras de Lalín e referente ineludible na historia da aviación. Foi no s.XIX cando acada o seu maior esplendor e as persoas más senlleiras da época pasaron tempadas no Pazo de Liñares; Ramón Cabanillas, Otero Pedrayo ou Emilia Pardo Bazán introducen o Pazo de Liñares na literatura. O pazo sitúase nun entorno rural, dentro dunha finca pechada cun muro perimetral de pedra que acolle no seu interior as construcións que componen o conxunto actual do Pazo de Liñares, destacando o edificio principal e dous conxuntos anexos: a capela e obradoiro anexo á mesma e o forno e alpendre. Destacan pola súa beleza a soleina na fachada posterior, a lareira cunha imponente cheminea e os escudos de armas dos Mosquera, dos Churruchaos, dos López de Lemos e dos Taboada na fachada principal.

Deshabitado nas últimas décadas do s.XX o Concello de Lalín adquíre o 2002 para incorporalo ao patrimonio municipal co obxectivo de preservar esta referencia arquitectónica e histórica da nosa comarca. Nese afán foi declarado BIC como Monumento Histórico no ano 2009 e posteriormente rehabilitado a través do 1% Cultural do Ministerio de Fomento en colaboración coa Deputación de Pontevedra e a Xunta de Galicia, rematando as obras no 2013. Deste xeito o Pazo de Liñares encara a súa "segunda xuventude" -logo da rehabilitación integral do complexo arquitectónico- como equipamento comunitario sociocultural complementando a estrutura municipal de espazos culturais, de ocio, sociais e formativos.

O Espazo Liñares como colector de diversas iniciativas acolle na actualidade o **Museo Galego da Marioneta** unha referencia museística única en Galiza e que conta con dúas salas de exposicións e biblioteca. As visitas percorrerán ao longo do Museo Galego da Marioneta o mundo máxico dos monicreques e marionetas a través das salas de exposicións permanentes e temporais, ademais atoparán tamén unha das bibliotecas especializadas más completas do Estado, con centenares de libros, carteis, folletos, fotos, vídeos, etc.

Tamén nos atopamos co **Centro de Xestión do Coñecemento Arqueolóxico** vinculado ao Museo Provincial que, con máis de 500 m², conta con catro áreas diferenciadas: administración e investigación, almacén de achados, área de intervención e área expositiva e multimedia. O laboratorio nas edificacións anexas ao pazo está equipado coas últimas tecnoloxías para o tratamento e catalogación dos restos arqueolóxicos que converten a Lalín en referente do estudo dos castros e centro de referencia arqueolóxica.

Conta tamén con outros **espazos multifuncionais** como o salón nobre -onde se desenvolven eventos culturais (actuacións musicais, teatrais, recitais, conferencias, etc...)-, ademais dunha aula de formación e outras salas polivalentes que acollen exposicións temporais e outras actividades segundo as necesidades. Deste xeito o Espazo Liñares destaca por ser un centro vertebrador e dinamizador do patrimonio cultural da comarca e do interior de Galiza das xeracións presentes e futuras.

